



Broj: 02-05-20422-1/11
Sarajevo, 23.06.2011. godine

Na osnovu čl. 22. i 24. stav 4. Zakona o Vladi Kantona Sarajevo ("Službene novine Kantona Sarajevo", broj: 24/03 - Prečišćeni tekst), Vlada Kantona Sarajevo, na **23. sjednici održanoj 23.06.2011. godine**, donijela je sljedeći

ZAKLJUČAK

1. Utvrđuje se Prijedlog zakona o izmjenama Zakona o Kantonalnoj agenciji za privatizaciju.
2. Predlaže se Skupštini Kantona Sarajevo da, u skladu sa članom 152. Poslovnika Skupštine Kantona Sarajevo ("Službene novine Kantona Sarajevo", broj 25/10 – Prečišćeni tekst), donese zakon iz tačke 1. ovog Zaključka po skraćenom postupku.

P R E M I J E R

Fikret Musić

Dostaviti:

1. Predsjedavajuća Skupštine Kantona Sarajevo
2. Skupština Kantona Sarajevo
3. Premijer Kantona Sarajevo
4. Ministarstvo privrede
5. Kantonalna agencija za privatizaciju
6. Evidencija
7. A r h i v a



Bosna i Hercegovina
Federacija Bosne i Hercegovine
KANTON SARAJEVO
Vlada



Bosnia and Herzegovina
Federation of Bosnia and Herzegovina
CANTON SARAJEVO
Government



Bosna i Hercegovina
Federacija Bosne i Hercegovine
KANTON SARAJEVO
V L A D A

ZAKON
O IZMJENAMA ZAKONA O KANTONALNOJ AGENCIJI ZA
PRIVATIZACIJU
(Prijedlog)

Nosilac izrade
Ministarstvo privrede



web: <http://vlada.ks.gov.ba>
e-mail: ssv@ssv.ks.gov.ba
Tel: + 387 (0) 33 562-068, 562-070
Fax: + 387 (0) 33 562-211
Sarajevo, Reisa Džemaludina Čauševića 1





Sarajevo, maj 2011. godine

Na osnovu člana 18. tačka b) Ustava Kantona Sarajevo ("Službene novine Kantona Sarajevo", br. 1/96, 2/96-Ispravka, 3/96-Ispravka, 16/97, 14/00, 4/01 i 28/04), Skupština Kantona Sarajevo, na sjednici održanoj _____ 2011. godine, donijela je

Prijedlog

ZAKON
O IZMJENAMA ZAKONA O KANTONALNOJ AGENCIJI ZA
PRIVATIZACIJU

Član 1.

U Zakonu o Kantonalnoj agenciji za privatizaciju ("Službene novine Kantona Sarajevo", br. 6/97 i 7/00) u članu 9. u stavu 2. riječi: "šest članova" zamjenjuju se riječima: "četiri člana".

Član 2.

U članu 11a. u stavu 2. riječ "četiri" zamjenjuje se riječju "dva".

Član 3.

Ovaj zakon stupa na snagu osmog dana od dana objavljivanja u "Službenim novinama Kantona Sarajevo".

Broj: _____/11
Sarajevo, _____ 2011. godine

PREDSJEDAVAJUĆA
SKUPŠTINE KANTONA SARAJEVO

Prof. dr. Mirjana Malić





O B R A Z L O Ž E N J E

PRAVNI OSNOV

Pravni osnov za donošenje Zakona o izmjenama Zakona o Kantonalnoj agenciji za privatizaciju sadržan je u članu 18. tačka b) Ustava Kantona Sarajevo ("Službene novine Kantona Sarajevo", br. 1/96, 2/96-Ispravka, 3/96-Ispravka, 16/97, 14/00, 4/01 i 28/04), kojim je utvrđeno da Skupština Kantona donosi zakone i druge propise u okviru izvršavanju nadležnosti Kantona.

RAZLOZI ZA DONOŠENJE

U Zakonu o Kantonalnoj agenciji za privatizaciju ("Službene novine Kantona Sarajevo", br. 6/97 i 7/00) u članu 9. stav 2. propisano je da se Upravni odbor sastoji od predsjednika i šest članova, koje imenuje Skupština Kantona Sarajevo na prijedlog Vlade Kantona Sarajevo, na period od dvije godine.

U članu 11a. stav 2. ovog Zakona propisano je da se Nadzorni odbor sastoji od predsjednika i četiri člana, koje imenuje i razrješava Skupština Kantona, na period od dvije godine.

Vlada Kantona Sarajevo donijela je Zaključak broj: 02-05-15818-4.1/11 od 04.05.2011. godine, kojim je zadužila Ministarstvo privrede da pripremi izmjene i dopune Zakona o Kantonalnoj agenciji za privatizaciju, a u vezi sa smanjenjem broja članova Upravnog i Nadzornog odbora.

U skladu sa navedenim zaključkom ovo ministarstvo izradilo je Prijedlog zakona o izmjenama Zakona o Kantonalnoj agenciji za privatizaciju, kojim se broj članova Upravnog i Nadzornog odbora smanjuje za dva člana.

S obzirom da nije u pitanju složen i obiman zakon, predlaže se Skupštini Kantona Sarajevo da, u skladu sa članom 152. Poslovnika Skupštine Kantona Sarajevo ("Službene novine Kantona Sarajevo", broj 25/10 - Novi prečišćen tekst), donese Zakon o izmjenama Zakona o Kantonalnoj agenciji za privatizaciju po skraćenom postupku.

PRAVNA RJEŠENJA

Član 1. – Izvršena je izmjena kojom se broj članova Upravnog odbora sa šest članova smanjuje na četiri člana.

Član 2. – Izvršena je izmjena kojom se broj članova Nadzornog odbora sa četiri člana smanjuje na dva člana.

Član 3. – Utvrđen je uobičajeni rok stupanja na snagu zakona.

SREDSTVA ZA PROVOĐENJE ZAKONA

Za provođenje ovog Zakona nisu potrebna finansijska sredstva iz Budžeta Kantona Sarajevo.



Bosna i Hercegovina
Federacija Bosne i Hercegovine
KANTON SARAJEVO
Vlada



Bosnia and Herzegovina
Federation of Bosnia and Herzegovina
CANTON SARAJEVO
Government



web: <http://vlada.ks.gov.ba>
e-mail: ssv@ssv.ks.gov.ba
Tel: + 387 (0) 33 562-068, 562-070
Fax: + 387 (0) 33 562-211
Sarajevo, Reisa Džemaludina Čauševića 1





Broj: 09-02-18331/11
Sarajevo, 25.05.2011. godine

KANTON SARAJEVO
MINISTARSTVO PRIVREDE

PREDMET: Stručno mišljenje na prijedlog Zakona o izmjenama Zakona o Kantonalnoj agenciji za privatizaciju.-

Na osnovu člana 2. Uredbe o Uredu za zakonodavstvo Vlade Kantona Sarajevo („Službene novine Kantona Sarajevo“, broj: 7/06-Prečišćeni tekst) i čl. 4. Uredbe o postupku i načinu pripremanja, izrade i dostavljanja propisa („Službene novine Kantona Sarajevo“, broj: 7/06-Novi prečišćeni tekst), Ured za zakonodavstvo Vlade Kantona Sarajevo, daje slijedeće


MIŠLJENJE

1. Ured za zakonodavstvo Vlade Kantona Sarajevo nema primjedbi na dostavljeni tekst prijedloga Zakona o izmjenama Zakona o Kantonalnoj agenciji za privatizaciju kojima se predlaže smanjenje broja članova Upravnog i Nadzornog odbora Kantonalne agencije za privatizaciju, a iz razloga navedenih u obrazloženju prijedloga Zakona.

2. Dostavljeni materijal je pripremljen u skladu sa Uredbom o postupku i načinu pripremanja, izrade i dostavljanja propisa („Službene novine Kantona Sarajevo“, broj: 7/06-Novi prečišćeni tekst), te se isti može razmatrati na jednoj od narednih sjednica Vlade Kantona Sarajevo.

Dostaviti:

1. Naslovu
2. Evidencija
3. Arhiva



SECRETAR
Ahmed Džabović, dipl. pravnik





[Handwritten signature]
25-05-2011

22



[Handwritten signature]

Broj: 03-07-02-18506/11
Sarajevo, 25. maj 2011. godine

MINISTARSTVO PRIVREDE

Predmet: Mišljenje o usklađenosti prijedloga Zakona o izmjenama Zakona o Kantonalnoj agenciji za privatizaciju sa Evropskom konvencijom o zaštiti ljudskih prava i osnovnih sloboda i drugim pravnim aktima kojima su regulisana ljudska prava i osnovne slobode

U skladu sa odredbama člana 7. Zakona o organizaciji i djelokrugu organa uprave i upravnih organizacija Kantona Sarajevo («Službene novine Kantona Sarajevo», br. 7/08, 16/08-Ispravka i broj 14/10) i člana 4. Uredbe o postupku i načinu pripremanja, izrade i dostavljanja propisa («Službene novine Kantona Sarajevo», broj 7/06-Novi prečišćeni tekst), Ministarstvo pravde i uprave razmotrilo je prijedlog navedenog zakona i daje slijedeće

MIŠLJENJE

Prijedlog Zakona o izmjenama Zakona o Kantonalnoj agenciji za privatizaciju nije u suprotnosti sa Evropskom konvencijom o zaštiti ljudskih prava i osnovnih sloboda i drugim pravnim aktima kojima je utvrđena zaštita ljudskih prava i sloboda.

DOSTAVLJENO

1. Naslovu
2. Arhiva



MINISTARICA

[Handwritten signature]
Dijara Tabori



e-mail: pravda@ks.gov.ba; www.ks.gov.ba
Tel: + 387 (0) 33 562-083, Fax: + 387 (0) 33 562-241
Sarajevo, Reisa Džemaludina Čauševića 1



DIN EN ISO 9001:2000
Zertifikat 15 100 63666



e-mail: ssv@ssv.ks.gov.ba
Tel: + 387 (0) 33 562-068, 562-070
Fax: + 387 (0) 33 562-211
Sarajevo, Reisa Džemaludina Čauševića 1






Broj: 02-05-15818-4.1/11
Sarajevo, 04.05.2011. godine

Na osnovu čl. 22. i 24. stav 4. Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćeni tekst), Vlada Kantona Sarajevo, na 15. sjednici održanoj **04.05.2011.** godine, donijela je sljedeći

ZAKLJUČAK

1. Zadužuje se Kantonalna agencija za privatizaciju da dostavi informaciju sa spiskom svih preduzeća na području Kantona Sarajevo koja su u postupku privatizacije, kao i sa rezultatima procesa privatizacije, Vladi Kantona Sarajevo najkasnije do 30.06.2011. godine.
2. Zadužuje se Ministarstvo pravde i uprave da kod nadležnih sudova zatraži prioritet u rješavanju predmeta koji su u vezi sa procesom privatizacije preduzeća na području Kantona Sarajevo, s obzirom na tendenciju enormnog smanjenja kapitala u istim.
3. Zadužuje se Ministarstvo privrede da pripremi izmjene i dopune Zakona o Kantonalnoj agenciji za privatizaciju ("Službene novine Kantona Sarajevo", br. 6/97 i 7/00), a u vezi sa smanjenjem broja članova Upravnog i Nadzornog odbora.



PREMIJER
Musić
Mikret Musić

Dostaviti:

1. Predsjedavajuća Skupštine Kantona Sarajevo
2. Premijer Kantona Sarajevo
3. Ministarstvo pravde i uprave
4. Ministarstvo prostornog uređenja i zaštite okoliša
5. Ministarstvo privrede
6. Kantonalna agencija za privatizaciju Sarajevo
7. Evidencija
8. Arhiva



web: <http://vlada.ks.gov.ba>
e-mail: premijer@ks.gov.ba
Tel: + 387 (0) 33 562-068, 562-070
Fax: + 387 (0) 33 562-211

Sarajevo, Reisa Džemaludina Čauševića 1





SLUŽBENE NOVINE

KANTONA SARAJEVO

Godina I - Broj 1

Ponedjeljak, 11. marta 1996.
SARAJEVO

Za svaki broj
se pojedinačno određuje
cijena

Na osnovu članova V-1.4. i IX-3(4) Ustava Federacije Bosne i Hercegovine ("Službene novine Federacije BiH", broj 1/94), Skupština Kantona Sarajevo, na sjednici održanoj dana 11. marta 1996. godine, donosi

USTAV KANTONA SARAJEVO

I - OPĆE ODREDBE

Član 1.

Sadržaj

Ovim Ustavom uređuju se organizacija i status Kantona Sarajevo (dalje: Kanton), njegove nadležnosti i struktura vlasti.

Član 2.

Uspostavljanje Kantona

Područje grada Sarajeva koje je razgraničenjem između entiteta u Bosni i Hercegovini izvršenim Mirovnim sporazumom za Bosnu i Hercegovinu potpisanim u Parizu 14. decembra/prosinca 1995. godine (dalje: Mirovni sporazum) pripalo Federaciji Bosni i Hercegovini (dalje: Federacija), organizira se kao kanton sukladno Ustavu Federacije i ovom Ustavu.

Član 3.

Naziv i sjedište Kantona

Službeni naziv Kantona je: Kanton Sarajevo.
Sjedište Kantona je u Sarajevu.

Član 4.

Teritorij Kantona

Teritorij Kantona obuhvata područja općina Centar Sarajevo, Hadžići, Ilidža, Ilijaš, Novi Grad Sarajevo, Novo Sarajevo, Stari Grad Sarajevo, Imovo i Vogosča, kako je to utvrđeno Mirovnim sporazumom. Ovaj teritorij se bliže utvrđuje posebnim propisom Skupštine Kantona (dalje: Skupština) sukladno federalnim zakonima.

U slučaju izmjena teritorija Kantona odvajanjem dijelova teritorije radi pripajanja kantonima ili pripajanjem dijelova drugih kantona ovom Kantonu, Skupština daje svoje prethodno mišljenje, a radi njegove potvrde može zatražiti i lično i izjašnjavaње građana sa područja Kantona na neki od propisanih načina.

Član 5.

Službena obilježja Kantona

Kanton ima grb, zastavu, himnu/svečanu pjesmu i pečat, kao i druga obilježja o kojima odluči Skupština.

Službena obilježja Kantona upotrebljavat će se samostalno ili zajedno sa službenim obilježjima Bosne i Hercegovine i Federacije, kako je to određeno njihovim propisima i propisima Kantona.

Za prihvatanje službenih obilježja iz prethodnog stava u Skupštini potrebna je kvalifikovana većina ukupnog broja poslanika.

Član 6.

Odnos prema Bosni i Hercegovini i Federaciji

Sarajevo je glavni grad Bosne i Hercegovine i Federacije, kako je to određeno njihovim ustavima.

Organi vlasti u Kantonu su dužni obezbijediti punu zaštitu interesa Bosne i Hercegovine i Federacije u njihovom glavnom gradu. Oni ne mogu donositi bilo kakve



web: <http://vlada.ks.gov.ba>

e-mail: ssv@ssv.ks.gov.ba

Tel: + 387 (0) 33 562-068, 562-070

Fax: + 387 (0) 33 562-211

Sarajevo, Reisa Džemaludina Čauševića 1



Bosna i Hercegovina
Federacija Bosne i Hercegovine
KANTON SARAJEVO
Vlada



Bosnia and Herzegovina
Federation of Bosnia and Herzegovina
CANTON SARAJEVO
Government



web: <http://vlada.ks.gov.ba>
e-mail: ssv@ssv.ks.gov.ba
Tel: + 387 (0) 33 562-068, 562-070
Fax: + 387 (0) 33 562-211
Sarajevo, Reisa Džemaludina Čauševića 1





Ponedjeljak, 11. marta 1996. godine

SLUŽBENE NOVINE KANTONA SARAJEVO

Broj 1 - Strana 3

- d) komunikacijska i transportna infrastruktura;
- e) socijalna politika;
- f) provođenje zakona i drugih propisa o državljanstvu;
- g) imigracija i azil;
- h) turizam;
- i) korištenje prirodnih bogatstava.

Član 14.

Vršenje nadležnosti

Svoje nadležnosti Kanton izvršava donošenjem sopstvenih propisa i primjenom propisa Bosne i Hercegovine i Federacije.

Nadležnosti iz člana 13. ovog Ustava Kanton vrši u obimu dogovorenom sa federalnim vlastima. U slučaju da takav dogovor ne postoji te nadležnosti će Kanton vršiti cjelovito i samostalno.

Član 15.

Prenošenje nadležnosti

Svoje nadležnosti iz oblasti obrazovanja, kulture, turizma, lokalnog poslovanja i dobrotvornih aktivnosti, radija i televizije Kanton može prenositi na općine u svom sastavu. Ove nadležnosti će se obavezno prenositi na one općine u kojima većinsko stanovništvo prema nacionalnoj strukturi nije stanovništvo koje čini većinu i na području cijelog Kantona.

Kanton može neke od svojih nadležnosti prenijeti i na federalne vlasti, ukoliko bi se na taj način obezbijedilo njihovo efikasnije i racionalnije vršenje.

Odluku o prenošenju nadležnosti u smislu ovog člana donosi Skupština.

IV - STRUKTURA VLASTI

A) ZAKONODAVNA VLAST

Član 16.

Opća odredba

Zakonodavnu vlast u Kantonu vrši Skupština Kantona.

Član 17.

Sastav Skupštine

Skupština je jednodomo predstavničko tijelo sastavljeno od 45 (četdesetpet) poslanika. Poslanici se biraju tajnim glasanjem na neposrednim izborima na cijelom području Kantona.

Prilikom izbora poslanika obezbjeđuje se odgovarajuća zastupljenost predstavnika Bošnjaka, Hrvata i ostalih naroda proporcionalno nacionalnoj strukturi stanovništva na području Kantona.

Izbor poslanika u Skupštini provodi se sukladno federalnim izbornim propisima, s tim što izbore raspisuje i provodi Skupština.

Mandat poslanika u Skupštini traje 2 (dvije) godine.

Član 18.

Nadležnosti Skupštine

Skupština Kantona:

- a) priprema i dvotrećinskom većinom usvaja Ustav Kantona;
- b) donosi zakone i druge propise u okviru izvršavanja nadležnosti Kantona, izuzev propisa koji su ovim Ustavom ili zakonom dati u nadležnost Vlade Kantona;
- c) bira i razrješava Predsjednika i podpredsjednika Kantona sukladno Ustavu Federacije i ovom Ustavu;
- d) utvrđuje politiku i donosi programe razvoja Kantona;
- e) potvrđuje imenovanje Premijera, zamjenika Premijera i članova Vlade Kantona;
- f) osniva kantonalne i općinske sudove i utvrđuje njihove nadležnosti;
- g) bira sudije kantonalnih sudova sukladno Ustavu Federacije i ovom Ustavu;
- h) usvaja budžet Kantona i donosi zakone o oporezivanju i na drugi način osigurava potrebno finansiranje;
- i) bira zastupnike u Dom naroda Federacije sukladno Ustavu Federacije;
- j) odlučuje o prijenosu ovlaštenja Kantona na općine i Federaciju;
- k) odobrava zaključivanje ugovora i sporazuma u oblasti međunarodnih odnosa i međunarodne suradnje;
- l) provodi istragu sukladno ovom Ustavu i posebnim propisima;
- m) vrši i druge poslove utvrđene federalnim propisima, ovim Ustavom i kantonalnim propisima.

Član 19.

Način rada Skupštine

Skupština bira predsjedavajućeg i dva njegova zamjenika iz reda izabranih poslanika.

Skupština zasijeda javno, izuzev u slučajevima kada je to predviđeno njenim poslovnikom. Izvještaji o zasjedanjima i donesenim odlukama se objavljuju u sredstvima javnog informiranja.

Način rada Skupštine bliže se uređuje poslovnikom.

Član 20.

Poslanički imunitet

Krivični postupak ili građanska parnica ne mogu biti pokrenuti protiv kantonalnog poslanika, niti kantonalni poslanik može biti zadržan u pritvoru ili kažnjen na bilo koji način zbog iznesenog mišljenja i datog glasa u Skupštini.

Član 21.

Način odlučivanja u Skupštini

U vršenju svojih nadležnosti Skupština donosi zakone, druge propise, te opće i pojedinačne akte (dalje: propisi).



web: <http://vlada.ks.gov.ba>

e-mail: ssv@ssv.ks.gov.ba

Tel: + 387 (0) 33 562-068, 562-070

Fax: + 387 (0) 33 562-211

Sarajevo, Reisa Džemaludina Čauševića 1





SLUŽBENE NOVINE
KANTONA SARAJEVO

Ponedjeljak, 7. aprila 1997. godine

Broj 6 - Strana 121

ZAKON
O IMOVINI KANTONA SARAJEVO

Član 1.

Ovim zakonom utvrđuje se imovina Kantona Sarajevo (u daljem tekstu: Kanton), preuzimanje, način sticanja, upravljanja i raspolaganja imovinom i druga pitanja koja su u vezi sa imovinom Kantona.

Član 2.

Kanton je pravni sljedbenik Grada Sarajeva (u daljem tekstu: Grad) u imovini i imovinskim pravima, u skladu sa Zakonom o područjima općina SRBiH ("Službeni list SRBiH", br. 47/62, 6/65, 14/66, 23/67, 3/70, 35/77, 31/78, 22/80, 33/90, 8/91 i 32/91).

Član 3.

Kanton preuzima sva prava i obaveze Grada koje proističu iz imovinsko-pravnih odnosa.

Član 4.

Kanton u potpunosti preuzima imovinu Grada na području Kantona, kao i na drugim područjima gdje je Grad posjedovao imovinu.

Član 5.

Imovinu Kantona, pored imovine stečene preuzimanjem u smislu odredaba čl. 2, 3. i 4. ovog zakona, čini pokretna i nepokretna imovina, prava i novčana sredstva stečena kupovinom ili na drugi način u skladu sa zakonima Bosne i Hercegovine i Federacije Bosne i Hercegovine.

Član 6.

Kanton je vlasnik imovine na području Kantona i to:

1. prirodnih bogatstava i dobara u općoj upotrebi;
2. nekretnina na kojima pravo korištenja i upravljanja imaju mjesne zajednice, udruženja građana i političke organizacije, izuzev sredstava koja su te zajednice i organizacije pribavile iz drugih izvora osim budžeta; sredstava za finansiranje zajedničkih potreba, donacija društvenih pravnih lica i samodoprinosu građana;
3. nekretnina na području Kantona koje su izgrađene ili po drugom osnovu stečene iz sredstava budžeta, sredstava za finansiranje zajedničkih potreba, te sredstava samodoprinosu građana i donacija, kao i imovine koja je stečena i po drugim osnovama, bez obzira da li se kod društvenog pravnog lica kao korisnika vode u poslovnim knjigama odnosno da li su upisane u zemljišne knjige;
4. društvenog kapitala iskazanog u bilansima stanja pravnih lica na dan 31. decembra 1991. godine, odnosno stanja utvrđenih nakon revizije.

Član 7.

Kanton vrši ovlaštenja i obaveze vlasnika po osnovu državnog kapitala prema preduzećima i ustanovama koja u cjelini ili djelimično imaju državni kapital, u skladu sa zakonom, osim preduzeća i ustanova nad kojima ovlaštenje i obaveze vlasnika vrše nadležni organi Federacije.

Član 8.

Imovinom Kantona upravlja Skupština Kantona Sarajevo (u daljem tekstu: Skupština).

Predsjednik Kantona i Vlada Kantona mogu raspolagati imovinom u okviru ovlaštenja koja im Skupština prenese posebnim propisom.

Član 9.

Skupština može posebnim propisom prenijeti prava vlasništva na druga pravna lica, u skladu sa zakonom.

Član 10.

Vlada Kantona posebnim propisom uredit će način evidentiranja imovine iz čl. 2, 3, 4, 5, 6. i 7. ovog zakona i odrediti organe za njegovo provođenje.

Propis iz prethodnog stava Vlada Kantona će donijeti u roku od 15 dana od dana donošenja ovog zakona.

Član 11.

Odredbe člana 6. ovog zakona primjenjivat će se do donošenja zakona Federacije Bosne i Hercegovine i dr. ave Bosne i Hercegovine.

Član 12.

Ovaj zakon stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-12/97

3. aprila 1997. godine

Sarajevo

Predsjedavajući

Skupštine Kantona Sarajevo,

Mirsad Kebo, s. r.

Na osnovu člana 18.b) Ustava Kantona Sarajevo ("Službene novine Kantona Sarajevo", br. 1/96, 2/96 i 3/96) i člana 20. Zakona o Agenciji za privatizaciju ("Službene novine Federacije BiH", broj 18/96), Skupština Kantona Sarajevo, na sjednici od 3. aprila 1997. godine, donijela je

ZAKON

O KANTONALNOJ AGENCIJI ZA PRIVATIZACIJU

I - OPĆE ODREDBE

Član 1.

Ovim zakonom osniva se Kantonalna agencija za privatizaciju (u daljem tekstu: Agencija) kao upravna organizacija Vlade Kantona, utvrđuje njen pravni položaj, sjedište, djelokrug i nadležnost, upravljanje, rukovođenje i finansiranje.

II - PRAVNI POLOŽAJ I SJEDIŠTE AGENCIJE

Član 2.

Agencija ima svojstvo pravnog lica.

Agencija je specijalizovana upravna organizacija Vlade Kantona Sarajevo (u daljem tekstu: Vlada Kantona).

Član 3.

Sjedište Agencije je u Sarajevu.

III - DJELATNOST I NADLEŽNOST AGENCIJE

Član 4.

Djelatnost Agencije je obavljanje stručnih i drugih poslova koji se odnose na privatizaciju.

Član 5.

U okviru svoje djelatnosti Agencija vrši naročito:

- organizovanje i podsticanje privatizacije preduzeća na teritoriji Kantona;
- odobrava početne bilanse preduzeća u skladu sa metodologijom za pripremu preduzeća za privatizaciju;



Broj 6 - Strana 122

SLUŽBENE NOVINE
KANTONA SARAJEVO

Ponedjeljak, 7. aprila 1997. godine

- određivanje provođenja, organiziranja i nadziranja privatizacije preduzeća na teritoriji Kantona;
- zaključivanje ugovora o privatizaciji preduzeća putem prodaje preduzeća, leasinga i drugih metoda;
- organizovanje i podsticanje obrazovanja i stručnog usavršavanja iz oblasti privatizacije;
- pružanje savjetodavne pomoći preduzećima na teritoriji Kantona iz oblasti privatizacije;
- organizovanje i provođenje informativno-propagandne djelatnosti iz oblasti privatizacije;
- obavlja i druge poslove u vezi sa privatizacijom, utvrđene zakonom i drugim propisima i po nalogu Vlade.

Član 6.

Agencija, u okviru svoje nadležnosti, ima javna ovlaštenja za donošenje pojedinačnih upravnih akata, u skladu sa propisom o općem upravnom postupku.

Član 7.

Upravni nadzor nad povjerenim javnim ovlaštenjima iz člana 6. ovog zakona vrše nadležna ministarstva, svako u okviru svoje nadležnosti.

U vršenju upravnog nadzora ministarstva iz prethodnog stava, rješavaju po zahtjevu protiv donesenih upravnih akata u vršenju povjerenih javnih ovlaštenja i vrše druga prava, koja po zakonu ima drugostepeni organ u upravnom postupku.

Agencija je dužna na najmanje jedanput mjesečno ministarstvima iz stava 1. ovog člana podnijeti izvještaj o vršenju javnih ovlaštenja.

Član 8.

U okviru svoje djelatnosti Agencija saraduje sa nadležnim tijelima i institucijama Kantona i drugih kantona u Federaciji Bosne i Hercegovine, Agencijom za privatizaciju Federacije Bosne i Hercegovine, te međunarodnim institucijama i organizacijama.

IV - UPRAVLJANJE I RUKOVODENJE AGENCIJOM

Član 9.

Agencijom upravlja Vlada Kantona.

Član 10.

Vlada Kantona:

- donosi Statut Agencije i druge opće akte;
- donosi Poslovnik o radu;
- donosi Pravilnik o unutrašnjoj organizaciji Agencije na prijedlog direktora;
- donosi finansijski plan i program rada Agencije na prijedlog direktora;
- donosi završni račun i izvještaj o radu Agencije;
- osniva komisije i radna tijela Agencije;
- vrši i druge poslove u skladu sa zakonom i Statutom Agencije.

Član 11.

Vlada podnosi izvještaj o radu Agencije Skupštini Kantona Sarajevo, najmanje jedanput u tri mjeseca.

Član 12.

Agencijom rukovodi direktor.
Direktor ima zamjenika.

Direktora i zamjenika imenuje i razrješava Vlada.

Direktor i zamjenik Agencije imenuju se na period od četiri godine, a nakon isteka ovog perioda mogu biti ponovo imenovani.

Član 13.

Direktor Agencije organizuje i koordinira izvršenje poslova.

Direktor Agencije u svome radu:

- rukovodi Agencijom;
- predstavlja i zastupa Agenciju;
- odgovara za zakonitost rada, pravilno i zakonito vodenje materijalno-finansijskog poslovanja Agencije;
- odlučuje o zapošljavanju i raspoređivanju radnika;
- donosi pojedinačne pravne akte iz djelokruga Agencije;
- sprovodi odluke, zaključke i upute Vlade Kantona;
- obavlja i druge poslove utvrđene zakonom, Statutom i drugim općim aktima Agencije.

Član 14.

Statutom Agencije uređuju se naročito:

- osnovna organizacija i način poslovanja Agencije;
- tijela upravljanja i rukovođenja Agencijom;
- zastupanje, predstavljanje i potpisivanje Agencije;
- radnici sa posebnim ovlaštenjima i odgovornostima;
- druga pitanja u vezi sa poslovanjem Agencije.

V - FINANSIRANJE AGENCIJE

Član 15.

Sredstva za osnivanje i poslovanje Agencije osiguravaju se iz:

- budžeta Kantona,
- dotacije domaćih i međunarodnih organizacija,
- naknada za usluge i drugih izvora.

VI - PRELAZNE I ZAVRŠNE ODREDBE

Član 16.

Vlada Kantona će donijeti Statut i druge opće akte Agencije u roku od 30 dana od dana stupanja na snagu ovog zakona.

Član 17.

Vlada Kantona će imenovati direktora i zamjenika direktora Agencije u roku od 15 dana od dana stupanja na snagu ovog zakona.

Član 18.

Ovaj zakon stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-13/97
3. aprila 1997. godine
Sarajevo

Predsjedavajući
Skupštine Kantona Sarajevo,
Mirsad Kebo, s. r.

Na osnovu člana 18. tačka h) i člana 38. stav 3. Ustava Kantona Sarajevo ("Službene novine Kantona Sarajevo", br. 1/96 i 2/96 - ispravke), Skupština Kantona Sarajevo, na sjednici od 3. aprila 1997. godine, donijela je

Bosna i Hercegovina
Federacija Bosne i Hercegovine
KANTON SARAJEVO
Vlada




Bosnia and Herzegovina
Federation of Bosnia and Herzegovina
CANTON SARAJEVO
Government



web: <http://vlada.ks.gov.ba>
e-mail: ssv@ssv.ks.gov.ba
Tel: + 387 (0) 33 562-068, 562-070
Fax: + 387 (0) 33 562-211
Sarajevo, Reisa Džemaludina Čauševića 1





SLUŽBENE NOVINE

KANTONA SARAJEVO

Godina V - Broj 7

Četvrtak, 20. aprila 2000. godine
SARAJEVO

Akncifacija pretplate
za I polugodište 2000:
KM 60.-

KANTON SARAJEVO

Skupština Kantona Sarajevo

Na osnovu člana 18. stav 1. tačka b) Ustava Kantona Sarajevo ("Službene novine Kantona Sarajevo", br. 1/96, 2/96, 3/96 i 16/97) i člana 20. Zakona o Agenciji za privatizaciju ("Službene novine Federacije BiH", broj 18/96), Skupština Kantona Sarajevo, na sjednici od 20. aprila 2000. godine, donijela je

ZAKON

O IZMJENAMA I DOPUNAMA ZAKONA O KANTONALNOJ AGENCIJI ZA PRIVATIZACIJU

Član 1.

U Zakonu o Kantonalnoj agenciji za privatizaciju ("Službene novine Kantona Sarajevo", broj 6/97) u članu 1. iza riječi "Agencija" brišu se riječi: "kao upravna organizacija Vlade Kantona".

Član 2.

U članu 2. stav 2. iza riječi "specijalizovana" briše se riječ "upravna", a iza riječi "organizacija" briše se riječ "Vlade", a u zagradi riječi: "Vlada Kantona" zamjenjuju se riječju "Kanton".

Član 3.

Član 4. mijenja se i glasi:

"Djelatnost Agencije je obavljanje stručnih i s njima povezanih upravnih i drugih poslova koji se odnose na provođenje propisa iz oblasti privatizacije."

Član 4.

U članu 5. u alineji 8. iza riječi "propisima" stavlja se tačka, a riječi: "i po nalogu Vlade" brišu se.

Član 5.

Član 6. mijenja se i glasi:

"Agencija u okviru svoje nadležnosti, donosi pojedinačne upravne akte, na osnovu materijalnog propisa, a u skladu s zakonom kojim se reguliše upravni postupak."

U okviru ovlaštenja utvrđenih zakonom i drugim propisima, Agencija u postupku privatizacije zaključuje ugovore i posreduje u zaključivanju ugovora."

Član 6.

Član 7. mijenja se i glasi:

"Po žalbama na prvostepena rješenja Agencije, donesena u upravnom postupku, rješavaju ministarstva Kantona, svako u okviru svoje nadležnosti."

Član 7.

Član 9. mijenja se i glasi:

"Agencijom upravlja Upravni odbor.

Upravni odbor se sastoji od predsjednika i šest članova koje imenuje Skupština Kantona Sarajevo na prijedlog Vlade Kantona Sarajevo, na period od dvije godine.

Upravni odbor za svoj rad odgovoran je Vladi Kantona i Skupštini Kantona."

Član 8.

U članu 10. stav 1. riječi: "Vlada Kantona" zamjenjuju se riječima: "Upravni odbor".

Član 9.

U članu 11. riječ "Vlada" zamjenjuje se riječima: "Upravni odbor", a riječ "Sarajevo" zamjenjuje se riječima: "i Vladi Kantona".

Član 10.

Iza člana 11. dodaje se novi član 11a. koji glasi:
"Nadzor nad zakonitošću rada i finansijskog poslovanja Agencije provodi Nadzorni odbor."

Nadzorni odbor sastoji se od predsjednika i četiri člana, koje imenuje i razrješava Skupština Kantona, na period od dvije godine.

Nadzorni odbor podnosi Skupštini Kantona izvještaj o svom radu najmanje jednom godišnje."

Član 11.

U članu 14. dodaje se novi stav 2. koji glasi:

"Statut Agencije donosi Upravni odbor, uz saglasnost Vlade Kantona."

Član 12.

U članu 16. riječi: "Vlada Kantona" zamjenjuju se riječima: "Upravni odbor".

Član 13.

Iza člana 17. dodaje se novi član 17a. koji glasi:

Član 17a.

Skupština Kantona Sarajevo će na prijedlog Vlade imenovati Upravni odbor a Nadzorni odbor imenovat će Skupština, u roku od 15 dana od dana stupanja na snagu ovog zakona.

Statut i druga akta Agencije uskladit će se sa odredbama ovog zakona, u roku od 30 dana od dana njegovog stupanja na snagu."

Član 14.

Ovaj zakon stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-102/00
20. aprila 2000. godine
Sarajevo

Predsjedavajući
Skupštine Kantona Sarajevo
Mirsad Kebo, s. r.



Uman. 331 (0) 33 562-068, 562-070

Tel: + 387 (0) 33 562-068, 562-070

Fax: + 387 (0) 33 562-211

Sarajevo, Reisa Džemaludina Čauševića 1



Bosna i Hercegovina
Federacija Bosne i Hercegovine
KANTON SARAJEVO
Vlada



Bosnia and Herzegovina
Federation of Bosnia and Herzegovina
CANTON SARAJEVO
Government



web: <http://vlada.ks.gov.ba>
e-mail: ssv@ssv.ks.gov.ba
Tel: + 387 (0) 33 562-068, 562-070
Fax: + 387 (0) 33 562-211
Sarajevo, Reisa Džemaludina Čauševića 1





SLUŽBENE NOVINE

KANTONA SARAJEVO

Godina XV – Broj 25

Utorak, 21. septembra 2010. godine
SARAJEVO

ISSN 1512-7052

KANTON SARAJEVO

Skupština Kantona Zakonodavno-pravna komisija

Na osnovu člana 27. Odluke o izmjenama i dopunama Poslovnika Skupštine Kantona Sarajevo ("Službene novine Kantona Sarajevo", broj 7/08) i čl. 172. i 173. stav 3. i 4. Poslovnika Skupštine Kantona Sarajevo ("Službene novine Kantona Sarajevo"-prečišćen tekst, broj 12/05), Zakonodavno-pravna komisija Skupštine Kantona Sarajevo, na sjednici od 21. 09.2010. godine, utvrdila je novi prečišćen tekst Poslovnika Skupštine Kantona Sarajevo.

Prečišćen tekst Poslovnika Skupštine Kantona Sarajevo obuhvata Poslovnik Skupštine Kantona Sarajevo ("Službene novine Kantona Sarajevo"-prečišćen tekst, broj 12/05) i Odluku o izmjenama i dopunama Poslovnika Skupštine Kantona Sarajevo ("Službene novine Kantona Sarajevo", broj 7/08), u kojima je označen dan stupanja na snagu tih odluka.

Broj 01-05-22582/10 Predsjedavajući
21. septembra 2010. godine Zakonodavno-pravne komisije
Sarajevo Esad Hrvatić, s.r.

POSLOVNIK SKUPŠTINE KANTONA SARAJEVO (Novi prečišćen tekst)

I - OPĆE ODREDBE

Član 1.

Skupština Kantona Sarajevo (u daljnjem tekstu: Skupština) konstituise se, organizuje i radi u skladu sa Ustavom, zakonom i Poslovnikom Skupštine Kantona Sarajevo.

Član 2.

Poslovnikom Skupštine Kantona Sarajevo (u daljnjem tekstu: Poslovnik) uređuju se:

- konstituisanje i unutrašnja organizacija Skupštine;
- način rada Skupštine;
- dužnosti i prava poslanika/zastupnika u Skupštini;
- javnost rada Skupštine;
- akta Skupštine;
- izbori, imenovanja, potvrđivanja, smjenjivanja i razrješenja iz nadležnosti Skupštine;
- odnos Skupštine prema Vladi (u daljem tekstu: Vlada);
- odnos Skupštine prema političkim strankama i udruženjima građana;

- saradnja sa Gradskim vijećem i Domom naroda Parlamenta Federacije BiH;
- saradnja Skupštine sa općinskim vijećima; i
- druga pitanja od značaja za rad Skupštine.

Član 3.

Ako neko pitanje organizacije i rada Skupštine nije uređeno Poslovnikom, uređiće se zaključkom Skupštine, na sjednici. Zaključak iz prethodnog stava primjenjuje se od dana donošenja.

Zaključak iz stava 1. ovog člana ne može biti u suprotnosti sa načelima i odredbama Poslovnika.

Član 4.

Sjedište Skupštine je u Sarajevu, Ulica Reisa Džemaludina Čauševića broj 1.

Član 5.

Skupština ima pečat u skladu sa zakonom. O čuvanju i upotrebi pečata stara se sekretar Skupštine.

II - KONSTITUISANJE I UNUTRAŠNJA ORGANIZACIJA SKUPŠTINE

Konstituisanje Skupštine

Član 6.

Skupština je jednodomna i čine je poslanici/zastupnici čiji je broj utvrđen Ustavom Kantona i zakonom (u smislu ovog poslovnika, "poslanik/zastupnik" podrazumijeva osobe oba spola).

Član 7.

Prva sjednica Skupštine saziva se najkasnije 10 dana nakon što nadležni organ potvrdi, ovjeri i objavi izborne rezultate.

Prvu sjednicu Skupštine saziva predsjedavajući Skupštine iz prethodnog saziva i predsjedava sjednicom Skupštine do izbora predsjedavajućeg u novom sazivu.

Ukoliko je predsjedavajući Skupštine spriječen, prvu sjednicu saziva jedan od njegovih zamjenika iz prethodnog saziva.

Ukoliko su i zamjenici spriječeni da sazovu prvu sjednicu Skupštine, sjednicu saziva najstariji izabrani poslanik/zastupnik u novom sazivu, odnosno onaj poslanik/zastupnik koga za sazivanje ovlasti jedna trećina novoizabranih poslanika/zastupnika.



Bosna i Hercegovina
Federacija Bosne i Hercegovine
KANTON SARAJEVO
Vlada



Bosnia and Herzegovina
Federation of Bosnia and Herzegovina
CANTON SARAJEVO
Government



web: <http://vlada.ks.gov.ba>
e-mail: ssv@ssv.ks.gov.ba
Tel: + 387 (0) 33 562-068, 562-070
Fax: + 387 (0) 33 562-211
Sarajevo, Reisa Džemaludina Čauševića 1





Utorak, 21. septembra 2010.

SLUŽBENE NOVINE
KANTONA SARAJEVO

Broj 25 – Strana 13

Vlada Kantona se izjašnjava o amandmanima i kada nije predlagatelj zakona.

Amandman podnosioca prijedloga zakona, kao i amandman drugog ovlaštenog predlagача sa kojim se podnosioc prijedloga saglasio, postaje sastavni dio prijedloga zakona.

O amandmanu na prijedlog zakona sa kojim se nije saglasio predlagач, a podnosioc amandmana nije odustao od njega, Skupština glasa odvojeno.

- Donošenje zakona po skraćenom postupku

Član 152.

Kad je to programom rada Skupštine predviđeno ili kad nije u pitanju složen i obiman zakon, podnosioc prijedloga zakona može umjesto nacrtu da podnese prijedlog zakona i da predloži da se prijedlog zakona pretresa po skraćenom postupku bez nacrtu zakona.

Ako Skupština ne prihvati da pretresa prijedlog zakona po skraćenom postupku, sa prijedlogom zakona će se postupiti kao sa nacrtom i o tom nacrtu odmah se vrši rasprava.

- Donošenje zakona po hitnom postupku

Član 153.

Zakoni se, po pravilu, ne donose po hitnom postupku.

Izuzetno, po hitnom postupku može da se donese samo zakon kojim se uređuju odnosi i pitanja za čije uređivanje postoji neodložna potreba i ako bi donošenje zakona u redovnom postupku moglo da izazove štetne posljedice za društvene interese u Kantonu.

Član 154.

Prijedlog da se donese zakon po hitnom postupku, skupa sa prijedlogom tog zakona, može da podnese svaki poslanik/zastupnik, radno tijelo Skupštine ili Vlada, uz obrazloženje zašto je neophodno da se zakon donese po hitnom postupku.

Član 155.

O prijedlogu za donošenje zakona po hitnom postupku odlučuje Skupština kao o prethodnom pitanju na sjednici Skupštine prije utvrđivanja dnevnog reda.

O prijedlogu se vodi pretres, a Skupština može odlučiti da podnosioc prijedloga zakona ili njegov predstavnik na sjednici Skupštine usmeno navede razloge zbog kojih je potrebno da se zakon donese po hitnom postupku.

Ako prijedlog nije podnijela Vlada, Skupština će prije odlučivanja od nje zatražiti mišljenje o ovom prijedlogu.

Ako Skupština usvoji prijedlog za donošenje zakona po hitnom postupku, prijedlog zakona se unosi u dnevni red i o njemu se odlučuje na istoj sjednici Skupštine.

Ako Skupština ne prihvati razloge iz člana 153. stav 2. ovog poslovnika za donošenje zakona po hitnom postupku, o svom zaključku odmah obavještava podnosioca prijedloga zakona, te o njemu raspravlja kao o nacrtu.

Član 156.

Predsjedavajući Skupštine, kad primi prijedlog da se zakon donese po hitnom postupku, zatražiće od Zakonodavno-pravne komisije i odgovarajućeg radnog tijela da razmotre prijedlog zakona i podnesu Skupštini izvještaj.

Skupština može, kad utvrdi potrebu donošenja zakona po hitnom postupku ili u toku pretresa, da zatraži od Zakonodavno-pravne komisije i odgovarajućeg radnog tijela da razmotre prijedlog i podnesu odmah izvještaj o prijedlogu zakona.

Član 157.

Na prijedlog zakona koji se donosi po hitnom postupku mogu da se podnose amandmani do zaključenja pretresa.

Ako se amandmanom mijenjaju načela na kojima se zasniva prijedlog zakona, ili ako bi prihvatanje amandmana prouzrokovalo bitnu izmjenu teksta prijedloga zakona, ili ako se

amandmanom angažuju finansijska sredstva, Skupština će odlučiti o amandmanu kad pribavi mišljenje Zakonodavno-pravne komisije i kad se o tom izjasni Vlada.

Zakonodavno-pravna komisija i druga nadležna tijela dužni su da odmah razmotre dostavljene amandmane i da podnesu Skupštini izvještaj sa mišljenjem i prijedlozima.

- Vršenje ispravki u zakonu, drugom propisu i općem aktu

Član 158.

Prijedlog za ispravku štamparskih grešaka u objavljenom tekstu zakona, drugih propisa i općih akata Skupštine podnosi kantonalni organ uprave koji je nadležan za staranje o izvršavanju tih akata ili ovlašten podnosioc prijedloga zakona, drugog propisa ili općeg akta.

Ispravke štamparskih grešaka u objavljenom tekstu zakona, drugog propisa ili općeg akta Skupštine, poslije savjetovanja sa izvornikom zakona, drugog propisa ili općeg akta Skupštine, daje sekretar Skupštine.

Osnovne odredbe o postupku za donošenje drugih akata Skupštine

- Donošenje budžeta Kantona i usvajanje izvještaja o izvršenju budžeta

Član 159.

Nacrt, odnosno Prijedlog budžeta, Zakona o izvršenju budžeta i izvještaj o izvršenju budžeta utvrđuje Vlada i dostavlja ih Skupštini, sa obrazloženjem i potrebnom dokumentacijom.

Član 160.

U postupku za donošenje akta iz prethodnog stava shodno se primjenjuju odredbe Zakona o proračunima/budžetima Federacije Bosne i Hercegovine, Zakona o budžetu Kantona Sarajevo, kao i ovog poslovnika, uključujući rokove propisane ovim zakonima.

- Donošenje planskih dokumenata i prostornog plana Kantona

Član 161.

Nacrt, odnosno prijedlog planskih dokumenata Kantona i prostornog plana Kantona utvrđuje Vlada i dostavlja ih sa obrazloženjem i potrebnom dokumentacijom predsjedavajućem Skupštine, odnosno Kolegiju Skupštine.

Rokovi za utvrđivanje i razmatranje nacrtu, odnosno prijedloga planskih dokumenata Kantona utvrđuju se posebnom odlukom Skupštine, na prijedlog Vlade.

Član 162.

U postupku za donošenje planskih dokumenata Kantona i prostornog plana Kantona shodno se primjenjuju odredbe ovog poslovnika o postupku za donošenje zakona, ako poslovníkom nije drugačije određeno.

- Donošenje odluka, deklaracija, rezolucija i preporuka

Član 163.

Donošenje odluka, deklaracija, rezolucija i preporuka vrši se po odredbama ovog poslovnika koje se odnose na postupak za donošenje zakona, s tim što se u postupku za donošenje ovih akata ne izrađuje nacrt akta, ukoliko Skupština drugačije ne odluči.

Izuzetno, prijedlozi ovih akata mogu se podnositi i na samoj sjednici, ukoliko za to postoji neodložna potreba.

- Davanje saglasnosti na statute i druga opća akta

Član 164.

Statut i druga opća akta pravnih lica dostavljaju se Skupštini radi davanja saglasnosti kada je to zakonom ili drugim aktom propisano.

Bosna i Hercegovina
Federacija Bosne i Hercegovine
KANTON SARAJEVO
Vlada



Bosnia and Herzegovina
Federation of Bosnia and Herzegovina
CANTON SARAJEVO
Government



web: <http://vlada.ks.gov.ba>
e-mail: ssv@ssv.ks.gov.ba
Tel: + 387 (0) 33 562-068, 562-070
Fax: + 387 (0) 33 562-211
Sarajevo, Reisa Džemaludina Čauševića 1

